

卷之五

雅音會編卷之五

羊城康麟文瑞集次

後學剡溪王鈍校正

上平聲

十一真

五言絕句

始音

臨江

汎汎東流水飛飛北上塵歸驂將別棹俱是倦遊人

贈李十四

王子安

亂竹開三徑，飛花滿四隣。從來楊子宅，別有尚玄人。

正音

昭君怨

東方虬

漢道方全盛，朝廷是武臣。何須薄命妾，辛苦事和親。

其二

胡地無花草，春來不似春。自然衣帶緩，非是為腰身。

春草宮懷古

劉長卿

君王不可見，芳草舊宮春。猶帶羅裙色，青青向楚人。

送張起崔載華之閩中

朝無寒士達，家在舊山貧。相送天涯裏，憐君更遠人。

逢雪宿芙蓉山

日暮蒼山遠，天寒白屋貧。柴門聞犬吠，風雪夜歸人。

江行無題

錢起

翳日多喬木，維舟取束薪。靜聽江叟語，俱是厭兵人。

金陵懷古

司空曙

輦路江楓暗，宮庭野草春。傷心庾開府，老作北朝臣。

送人下第

李端

獻策未得意馳車東出秦莫年千里客落日萬家春

惜春

李益

畏老身全老逢春解惜春今年看花伴已少去年人

琵琶臺

張籍

臺上綠蘿春閑登不待人每當休暇日芳履戴玄巾

宿建德江

孟浩然

移舟泊烟渚日暮客愁新野曠天低樹江清月近人

洛陽道中

珠彈繁華子金羈游俠人酒酣白日暮走馬入紅塵

遺響

如鞭空中詠江濱梅

王適

忽見寒梅樹開花漢水濱不知春色早疑是弄珠人

春江曲

張仲素

搖漾越江春羽將采白蘋歸時不覺夜出浦月隨人

馬詩

李賀

香撲赭羅新盤龍蹙銜鱗迴看南陌上誰道不逢春

穆護砂

張祐

玉管朝朝弄清歌日日新折花當驛路寄與隴頭人

金殿樂

入夜秋砧動千聲起四隣不緣樓上月應為隴頭人  
衝夜行

施肩吾

夜行無月時古路多荒榛山鬼遙把火自照不照人

早起

李商隱

風露澹清晨簾間獨起人鳥啼花又咲畢竟是誰春

情詩

曹鄴

蛺蝶空中飛天桃庭中春見他夫婦好有女初嫁人

長安道

聶夷中

此地無駐馬夜中猶走輪所以路傍草少於衣上塵

晦日送別

崔魯

野酌亂無巡送君兼送春明年春色至莫作未歸人

正聲

南樓望

虞渙

去國三巴遠登樓萬里春傷心江上客不是故鄉人

樂家瀨

裴迪

瀨聲喧極浦沿涉向南津泛泛鳧鷖渡時時欲近人

江行

錢起

江曲全縈楚雲飛半自秦峴山回首望如別故鄉人  
歸信吟 孟郊

淚墨灑為書將寄萬里親書去魂亦去兀然空一身

李集

洛陽陌

白王誰家即回車渡天津看花東陌上驚動洛陽人

綠水曲

綠水明秋月南湖採白蘋荷花嬌欲語愁殺蕩舟人

九日龍山飲

九日龍山飲黃花笑逐臣醉看風落帽舞愛月留人

紫藤樹

紫籐掛雲采花蔓宜陽春密葉隱歌妓香風流美人

哭宣城善釀紀叟

紀叟黃泉裏還應釀老春夜臺無曉日沽酒與何人

五言律詩

始音

別薛華

王勣

送送多窮路遑遑獨問津悲涼千里道悽斷百年身

心事同漂泊生涯共苦辛無論去與往俱是夢中人

杜少府之任蜀州

城闕輔三秦風烟望五津與君離別意同是宦遊人  
海內存知己天涯若比隣無為在岐路兒女共霑巾

仲春郊外

東國垂柳徑西堰落花津物色連三月風光絕四隣  
鳥飛村覺曙魚戲水知春初晴山院裏何處染鶯塵

劉生

楊炯

卿家本六郡年長入三秦白璧酬知己黃金謝主人

劍鋒生赤電馬足起紅塵日暮歌鐘發喧動四隣

王昭君

駱賓王

欵容辭豹尾絨絃度龍鱗金鈿明漢月玉筯滌胡塵  
古鏡菱花暗愁眉柳葉頻唯有清笳曲時聞芳樹春

春晚山庄率題

盧照隣

田家無四隣獨坐一園春鸞啼非選樹魚戲不驚綸  
山水彈琴盡風花酌酒頻年華已可樂高興復留人

正音

歲除有懷

崔塗

迢迢三巴路。羈危萬里身。亂山殘雪夜。孤燭異鄉人。  
漸與骨肉遠。轉於僮僕親。那堪正漂泊。來日歲華新。

送李判官赴江東

王維

聞道皇華使。方隨皂蓋臣。封章通左語。冠冕化文身。  
樹色分楊子。潮聲滿富春。遙知辨璧吏。恩到泣珠人。

送張子尉南海

岑參

不擇南州尉。高堂有老親。樓臺重蜃氣。邑里雜鮫人。  
海暗三山雨。花明五嶺春。此鄉多寶玉。慎勿厭清貧。

送李中水歸本道

皇甫曾

上將宜分閫。雙旌復出秦。關河三晉路。賓從五原人。  
孤戍雲通海。平沙雪度春。酬恩看玉劍。何處有烟塵。

喜外弟盧綸見宿

司空曙

靜夜四無隣。荒居舊業貧。雨中黃葉樹。燈下白頭人。  
以我獨沉久。愧君相見頻。平生自有分。况是霍家親。

送張南史

郎士元

雨餘深巷靜。獨酌送殘春。車馬雖嫌僻。鶯花不棄貧。  
蟲聲粘戶網。鼠跡印床塵。借問山陽會。如今有幾人。

除夜宿石頭驛

戴叔倫



旅館誰相問寒燈獨可親  
一年將盡夜萬里未歸人  
寥落悲前事支離笑此身  
愁顏與衰髮明日又逢春  
江上別張勸

年年五湖上厭見五湖春  
長醉非閑酒多愁不為貧  
山川迷道路伊洛暗風塵  
今日扁舟別俱為滄海人  
和晉陵陸丞相早春遊望  
杜審言

獨有宦游人偏驚物候新  
雲霞出海曙梅柳度江春  
淑氣催黃鳥晴光轉綠蘋  
忽聞歌古調歸思欲沾巾  
送丘為下第歸江東  
王維

憐君不得意况復柳條春  
為客黃金盡還家白髮新  
五湖三畝宅萬里一歸人  
知爾不能薦羞稱獻納臣

遺響

長信宮

于武陵

一失輦前恩羅衣生暗塵  
唯應清夜月獨伴向愁人  
長信翠娥老昭陽紅粉新  
君心似秋節不使草長春

三體

送樊兵曹謁潭州韋大夫

李嘉祐

塞鴻歸欲盡北客始辭秦  
零桂雖逢竹瀟湘少見人

江花鋪淺水山木暗殘春修刺轅門裏多憐存為親

過蕭關

張嶺

出得蕭關北儒衣不稱身隴狐來試客沙鷗下欺人  
曉戍戩烽火晴原起獵塵邊戎莫相忌非是霍家親

湖中閑夜

朱餘慶

釣艇同琴酒良宵背水濱風波不起處星月盡隨身  
浦迥湘雲卷林香歲氣春誰知此中興寧羨五湖人

下方

司空圖

三十年来往中間京洛塵倦行今白首歸卧已清神

坡暖冬生笋松涼夏徃人更慙微詔起避世迹非真

南游有感

于武陵

杜陵無厚業不得駐車輪重到曾遊處多非舊主人  
東風千里樹西日一洲蘋又渡湘江去湘江水復春

華下送文浦

司空圖

郊居謝名利何事最相親漸與論詩久皆知得句新  
川明虹照雨樹密鳥衝人應念從今去還來嶽下頻

暮過山村

賈島

數里聞寒水山家少四隣恠禽啼曠野落日恐行人

初月未終夕邊烽不過秦蕭條桑柘外煙火漸相親

送人歸山

石召

相逢惟道在誰不共知貧歸路分殘雨停舟別故人  
霜明松嶺曉花暗竹房春亦有棲閑意何年可寄身

春日

浩蕩春風裏徘徊無所親危城三面水古木一邊春  
衰世難行道花時不稱貧滔滔天下者何處問通津

陝西河亭陪韋大夫眺別

劉禹錫

雪霽大陽津城池表裏春河流添馬頰原色動龍鱗

萬里思歸客一盃逢故人因高向西望明路正飛塵

喜晴

李敬方

到台十二旬一片雨中春林果黃梅盡山苗半夏新  
陽烏朝展翅陰魄夜燃輪坐喜無雲物分明見北辰

長安春日

曹松

浩浩看花展六街揚遠塵塵中一丈日誰是晏眠人  
御柳垂看水野鶯啼破春徒云多失意猶自惜離秦

正聲

送韋城李少府

張九齡

送子南昌尉離亭西候春野  
花有欲盡林鳥聽猶新  
別酒青門路歸軒白馬津  
相知無遠近萬里尚為隣

途中寒食

宋之問

馬上逢寒食愁中屬暮春  
可憐江浦望不見洛陽人  
北極懷明主南溟作逐臣  
故園腸斷處日夜柳條新

餞別王十一南游

劉長卿

留君烟水閣揮手淚沾巾  
飛鳥沒何處青山空見人  
長江一帆遠落日五湖春  
誰見汀洲上相思愁白蘋

類編

八日喜雪應制

趙彥昭

出震乘東陸馮高御北辰  
祥雲應早歲瑞雪候初旬  
宮樹千花發堦蓂七葉新  
幸承今日宴長春萬年春

送韋員外端公宣慰勸農畢赴洪州

李嘉祐

聖主臨前殿般般憂遣使  
臣氣迎天詔喜恩發上膏春  
草色催歸棹鶯聲為送人  
龍沙多道里流水自相親

獨孤遙陪餞韋使君赴昇州

皇甫冉

中司龍節貴上客虎符新  
地空吳襟帶才高漢縉紳

泛舟應度臘入境便行春何處歌來暮長江建業人

送杜士瞻楚州觀省

李嘉祐

風流與才思俱似晉時人淮月歸心促江花入興新  
雲深滄海暮柳暗白門春共道官猶小憐君孝養親

春日野望寄錢員外起

司空曙

草長花滿樹羸病強尋春無復少年意空餘白髮身  
青原晴見水白杜靜逢人寄謝南宮客軒車不可親

和張二途中遇雪

孟浩然

風吹沙海望來作柳園春死轉隨香騎輕盈伴玉人

歌疑郢中客熊比洛川神今日南歸楚雙飛似入秦

送人南歸

李頎

行行野雲曛寒氣日通春故園入芳草滄江終白身  
遊歸花落滿堪起鳥啼新不得來書札空來借問人

蜀城春望

崔塗

天涯憔悴身一望一市巾在野有芳草滿城無故人  
懷才皆得路失計獨傷春青鏡不忍照髮毛應更新

題興善寺後池

盧綸

隔窓棲白鳥似與鏡湖隣月照何年樹花逢幾世人

弄沙青有靈苔經綠無塵願得依容止僧中老此身

梅雨

柳子厚

梅實迎時雨蒼茫值晚春愁深楚徼夜夢斷越雞晨  
海霧連南極江雲暗北津素衣今盡化不為帝京塵

送王夢流雷州

郎士元

昨日三峯尉今朝萬里人平生任孤直豈是不防身  
海霧多為瘴山雷乍作隣遙憐北窓月與子獨相親

題苗員外林亭

盧綸

高翫絕行塵開簾似有春風傾竹上雪山對酒邊人

步煖先逢日書空遠見隣還因內齋暇登賞及諸姻

河嶽英靈

寄江滔求孟六遺文

劉昫虛

南望襄陽路思君情轉親偏知漢水廣應與孟家隣  
在日貧為善昨來聞更貧相如有遺草為一問家人

李集

送侯十一

朱亥已擊晉侯嬴尚隱身時無魏公子豈貴抱關人  
余亦不火食遊梁同在陳空餘湛盧劍贈爾托交親

送長沙陳太守

二首  
其二

七郡長沙國南連湘水濱定玉垂舞袖地窄不迴身  
莫小二千石當安遠俗人洞房鄉路遠造羨錦衣春  
送李青歸南葉陽川

伯陽仙家子容色如青春日月秘靈洞雲霞辭世人  
化心養精魄隱几窅天真莫作千年別歸來城郭新

江夏送張丞

欲別心不忍臨行情更親酒傾無限月客醉幾重春  
籍草依流水攀花贈遠人送君從此去回首泣迷津

對酒憶賀

二首  
其一

四明有狂客風流賀老真長安一相見呼我謫仙人  
昔好盃中物翻一作今為松下塵金龜換酒處却憶淚  
沾巾

題江夏修靜寺

我家北海宅作寺南江濱空庭無玉樹高殿坐幽人  
書帶留青草琴堂霧素塵平生種桃李寂滅不成春

台中行樂詞

八首  
其一

繡戶香風暖紗牕曙色新宮花爭笑日池草暗生春

綠樹聞歌鳥青樓見舞人昭陽桃李月羅綺自相親

贈崔秋浦 三首 其三

河陽花作縣秋浦玉為人地逐名賢好風隨惠化春  
水從天漢落山逼畫屏新應念金門客投沙弔楚臣

杜集

喜達行在所 三首 其二

愁思胡笳夕淒涼漢苑春生還今日事間道暫時人  
司隸章初覩南陽氣已新喜心翻倒極嗚咽淚沾巾  
獨酌成詩

燈花何太喜酒綠正相親醉裏從為客詩成覺有神  
兵戈猶在眼儒術豈謀身昔被微官縛低頭愧野人

奉陪鄭駙馬韋曲 二首 其一

韋曲花無賴家家惱殺人綠樽須盡日白髮好禁春  
石角鈎衣破藤枝刺眼新何時占叢竹頭戴小烏巾

觀安西兵過赴關中待命 二首 其一

四鎮富精銳摧鋒皆絕倫還聞獻 一作士卒足以靜  
風塵老馬夜知道蒼鷹飢着人臨危經久戰用意始

知 一作袖



促織

促織甚微細。哀音何動人。草根吟不穩。牀下夜相親。  
久客得無淚。故妻難及晨。悲絲與急管。感激異天真。

奉酬李都督表文早春作

力疾坐清曉。來詩悲早春。轉添愁伴客。更覺老隨人。  
紅入桃花嫩。青歸柳葉新。望鄉猶一作應。未已田海尚  
風塵。

有客

患氣經時久。臨江卜宅新。喧卑方避俗。疎快頗宜人。

有客過茅宇。呼兒正葛巾。自鋤稀菜甲。小摘為情親。

漫成

江寧已仲春。花下復清晨。晨仰面貪看鳥。回頭錯應人。  
讀書難字過。對酒滿壺頻。近識峨眉老。知余懶是真。

贈別何邕

生死論交地。何由見一人。悲君隨燕雀。薄宦走風塵。  
絲谷元通漢。沱江不向秦。五陵花滿眼。傳語故鄉春。

贈別鄭鍊赴襄陽

戎馬交馳際。柴門老病身。把君詩過日。念此別驚神。

地闊峨嵋晚天高峴首春為於者舊內試覓姓龐人

中夜

中夜江山靜危樓望北辰長為萬里客有愧百年

故國風雲氣高堂戰伐塵胡雛負恩澤嗟爾太平人

有感

洛下舟車入天中貢賦均日聞紅粟腐寒待翠華春

莫取金湯固長令宇宙新不過行儉德盜賊本主臣

能盡

能盡毛延壽投盡郭舍人每蒙六一失復以物出春

政化平如水皇恩漸若神時時用抵戲亦未雜風塵

月

斷續巫山雨天河此夜新若無青嶂月愁殺白頭人

魁魍多深樹蝦蟆動半輪故園當北斗有想照西秦

百舌

百舌未何處重重祇報春知音燕衆語整鬪豈多身

花密藏難見枝高聽轉新過時如發口君側有絲人

鄴

鄴一稽切城西原送李判官兄武判官弟赴

成都府

馮高送所親久坐惜芳辰遠水非無浪他山自有春  
野花隨處發官柳著行新天際傷愁別離進何太頻

黃魚

日見巴東峽黃魚出浪新脂膏兼飼犬長大不容身  
筒桶相公久風雷肯謂神泥沙卷涎沫迴看恠龍鱗

喜觀即到復題短篇二首其一

巫峽千山暗終雨萬里春病中吾見弟書到汝為人  
竟答兒童問來經戰伐新泊船悲喜後款款話歸秦

江月

江月光於水高樓思殺人天邊長作客老去一沾巾  
玉露溥清影銀河沒半輪誰家挑錦字燭滅翠眉嚬

十七夜對月

秋月仍圓夜江村獨老身捲簾還照客倚杖更隨人  
光射潛虬動明翻宿鳥頻茅齋依橘柚清切露華新

湘夫人祠

肅肅湘妃廟空墻碧水春蟲書玉佩蘚燕舞翠帷塵  
晚泊登汀樹微聲借渚蘋蒼梧恨不盡淚染在叢筠

發潭州

夜醉長沙酒。曉行湘水春。岸花飛送客。檣燕語留人。  
賈傳才未有。褚公書絕倫。高名前後事。回首一傷神。  
送司馬入京

郡盜至今日。先朝忝從臣。歎君能戀主。又客羨歸秦。  
黃閣長司諫。丹墀有故人。向來論社稷。為話涕沾巾。

柳邊

只道梅花發。那知柳亦新。枝枝揔到地。葉葉自開春。  
紫燕時翻翼。黃鸝不露身。漢南應老盡。霸上遠愁人。  
送惠二歸故居

惠子白駒瘦。歸谿惟病身。皇天無老眼。空谷值斯人。  
崖密松花白。山林竹葉新。柴門了生事。黃綺未稱臣。

雨晴

雨晴山不改。晴罷峽如新。天路看殊俗。秋江思殺人。  
有猿揮淚盡。無犬送書頻。故國愁眉外。長歌欲損神。

送孟十二倉曹赴東京選

君行別老親。此去苦家貧。藻鏡留連客。江山憔悴人。  
秋風楚竹冷。夜雪霽梅春。朝夕高堂念。應宜綵服新。

東屯北峽

衣檢切

盜賊浮生困誅求異俗貧空村惟見鳥落日未逢人  
步壑風生面看松露滴身遠山迴白首戰地有黃塵

從驛次草堂復至東屯

其二

短景難高卧衰年強此身山家蒸栗暖野飯射麋新  
世路知交薄門庭畏客頻牧童斯在眼田父實為隣

奉送韋中丞之晉赴湖南

寵渥徵黃漸權宜借寇頻湖南安背水峽內憶行春  
主室仍多故蒼生倚大臣還將徐孺榻處處待高人

奉送十七舅下邵桂

絕域三冬暮浮生一病身感深辭舅氏別後見何人  
縹緲蒼梧帝推遷孟母隣昏阻雲水側望苦傷神

秋日寄題鄭監湖上亭

其二

暫住蓬萊閣終為江海人揮金應物理拖玉豈吾身  
羨煮秋尊弱杯迎露菊新賦詩分氣象佳句莫頻頻

熱

其三

朱李沉不冷雕胡炊屢新將衰骨盡痛被暘味空頻  
歛翕炎蒸景飄飄征伐人十年不甲為爾一沾巾

奉簡高使君

當代論才子。如公有幾人。驂駟開道路。鷹隼出風塵。  
行色秋將晚。交情老更親。天涯喜相見。披豁對吾真。

奉寄李秘書文疑

二首  
其二

行李千金贈衣冠。八尺身飛騰。知有策音度。不無神  
班秩。兼通貴公侯。出異人玄成。負文彩。世業豈沉淪。  
送趙明府之縣

連城為寶重。茂宰得才新。山雉迎舟楫。江花報邑人。  
論交番恨晚。卧病却愁春。惠愛南翁悅。餘波及老身。

不離西閣

二首  
其二

江柳非時發。江花冷色頻。地偏應有瘴。臘近已含春。  
失學從愚子。無家任老身。不知西閣意。肯別定留人。

茅堂檢校收稻

二首  
其二

稻米炊能白。秋葵煮復新。誰云滑易飽。老藉軟俱勻。  
種幸房州熟。苗同伊闕春。無勞映溱碗。自有色如銀。

韓集

梁國惠康公主挽歌

二首  
其一

定謚芳聲遠。移封大國新。巽宮尊長女。台室屬良人。  
河漢重泉夜。梧桐半樹春。龍輜非厭翟。還輶禁城塵。

閑遊二首其二

茲遊苦不數再到遂經旬萍蓋汙池淨藤籠老樹新  
林鳥鳴訝客岸竹長遮隣子雲祇自守奚事九衢塵

五言排律

正音

負譴後登羊越亭作

劉長卿

天南愁望絕亭上柳條新落日獨歸鳥孤舟何處人  
生涯接越徼世業陷胡塵江入千峯暮花連百越春  
秦臺憐白首楚澤怨青蘋草色迷征路鶯聲傍逐臣

獨醒翻引笑百道不容身得罪風霜苦全生天地仁  
青山數行淚滄海一窮鱗牢落機心盡空憐鷗鳥親

正聲

將赴朔方軍應制

張說

禮樂逢明主韜鈴用老臣恭憑神武策遠靜鬼方人  
供帳榮恩餞山川喜詔巡天文日月送朝賦管絃新  
幼志傳三畧衰材謝六鈞膽猶忠作屏心故道為隣  
漢保河南地胡清塞北塵連年大軍後不日小康辰  
劍舞輕離別酣歌忘苦辛從來思博望許國不謀身

過沈居士山居哭居士

王維

揚朱來此哭。桑扈返於真。獨自成千古。依然舊四隣。  
閑簷喧鳥雀。故榻滿埃塵。曙月孤鶯轉。空山五柳春。  
野花愁對客。泉水咽迎人。善卷明時隱。黔婁在日貧。  
逝川嗟爾命。丘井嘆吾身。前後徒言隔。相悲詎歲晨。  
奉和聖制同二相南出雀鼠谷

張九齡

設險諸侯地。承平聖主巡。東君朝二月。南旆擁三辰。  
寒出重關盡。年隨行漏新。瑞雲籠捧日。芳樹曲迎春。

舞詠先馳道。恩華及從臣。汾川花鳥意。併奉屬車塵。

類編

奉和早度蒲津關應制

張說

蒲坂橫臨晉。華芝曉望秦。關城雄地險。橋路托天津。  
樓映行宮日。堤含苑樹春。黃雲隨寶鼎。紫氣逐真人。  
東誅唐虞迹。西觀周漢塵。山河非國寶。明主愛忠臣。  
和莘望春宮送朔方軍大揔管張宣

李嶠

玉帳徵才子。金符命 臣三年張武旆。萬乘饒行輪。



猛氣凌玄朔崇恩降紫宸投膠還約土辭弟本忘身  
露下鷹初繫風高鴈欲賓方銷塞北役還靜漠南塵

春日奉獻聖壽無疆詞十四首 楊巨源

玉漏飄青瑨金鋪麗紫宸雲山九門曙天地一家春  
瑞靄方呈賞暄風本配仁岩廊開鳳翼水殿厭鰲身  
文雅逢明代歡娛及賤臣年年未央闕恩共物華新

河嶽英靈

清明宴司勳劉郎中別業 祖詠

田家復近臣行樂不違親靈日園林好清明烟火新

以文常會友雅德自成隣池照窓陰晚盃香藥味春  
簷前花覆地竹外鳥窺人何必桃源裏深君作隱淪

杜集

奉和陽城郡王大夫恩命加鄧國大夫人

衛幕銜恩重潘輿送喜頻濟時瞻上将錫號戴慈親  
富貴當如此尊榮邁等倫郡依封土舊國與大名新  
紫誥鸞迴締清明燕賀人遠傳冬笋味更覺彩衣春  
奕葉班姑史芬芳孟母隣義方兼有訓詞翰兩如神  
委曲承顏体騫飛振主身可憐忠與孝双美畫其鹿

寄李十二白二十韻

昔年有狂客，號爾謫仙人。筆落驚風雨，詩成泣鬼神。  
聲名從此大，汨沒一朝伸。文彩承殊渥，流傳必絕倫。  
龍舟移棹晚，獸錦奪袍新。白日来深殿，青雲滿後塵。  
乞歸優詔許，遇我宿心親。未負幽棲志，兼全寵辱身。  
劇談憐野逸，嗜酒見天真。醉舞梁園夜，行歌泗水春。  
才高心不展，道屈善無鄰。處士禰衡俊，諸生原憲貧。  
稻粱求未足，蕙艾謗何頻。五嶺炎蒸地，三危放逐臣。  
幾年遭鵬鳥，獨泣向麒麟。蘇武先還漢，黃公豈事秦。

楚筵辭醴日，梁獄上書辰。已用當時法，誰將此義陳。  
老吟秋月下，病起暮江濱。莫怪恩波隔，乘槎與問津。

寄張十二山人彪三十韻

獨卧嵩陽客，三違潁水春。艱難隨老母，慘澹向時人。  
謝氏尋山屐，陶公漉酒巾。群兒彌宇宙，此物在風塵。  
歷下辭姜被，閑西得孟隣。早通交契密，晚接道流新。  
靜者心多妙，先生藝絕倫。草書何大古，詩興不無神。  
曹植休前輩，張芝更後身。數篇吟可老，一字買堪貧。  
將恐曾冠寇，深潛託所親。寧聞倚門力，盡力潔滄晨。

踈懶爲名誤驅馳喪我真索居猶寂寞相遇益悲辛  
流轉依邊徼逢迎念席珍時來故舊少亂後別離頻  
世祖修高廟文公賞從臣商山猶入楚渭水不離秦  
存想青龍秘騎行白鹿馴耕田非谷口結草即河濱  
肘後符應驗囊中藥未陳旅懷殊不愜良覲眇無因  
自古皆悲恨浮生有屈伸此邦今尚武何處且依仁  
鼓角凌天籟閑山信月輪官場羅鎮磧賊火近洮岷  
蕭瑟論兵地蒼茫關將辰大軍多處所餘孽尚紛綸  
高興知籠鳥斯文起獲麟窮秋正搖落迴看望松筠

奉和嚴中丞西城晚眺十韻

汲黯匡君切廉頗出行頗直辭才不世雄畧動如神  
政簡移風速詩清立意新層城臨媚景絕域望如春  
旗尾蛟龍會樓頭燕雀馴地平江動蜀天濶樹浮秦  
帝念深分閫軍須遠算縉花羅封蛺蝶瑞錦送麒麟  
辭勇輸高義觀圖憶古人征南多興緒事業闕一作更  
相親

奉贈鮮于京兆二十韻

王國稱多士賢人復幾人異才應間出爽氣必二作見

殊倫始見張京兆，宜居漢近臣。驛驢開道路，雕鷲離  
風塵。侯伯知何算，文章實致身。奮飛超筭級，容易失  
沉淪。脫畧蟠溪釣，操持郢匠斤。雲霄今已逼，台袞更  
誰親。鳳穴雞皆好，龍門客又新。義聲紛感激，敗績自  
逡巡。途遠欲何向，天高難重陳。學詩猶孺子，鄉賦念  
嘉賓。不得同晁錯，吁嗟後邳元。計踈疑翰墨，時過憶  
松筠。獻納紆皇眷，中間謁紫宸。且隨諸彦集，方覩簿  
才伸。破膽遭前政，陰謀獨棄鈞。微生慙忌刻，萬事益  
酸辛。交合丹青地，恩傾雨露辰。有儒愁餓死，早晚報

平津

上韋左相二十韻

鳳曆軒轅紀，龍飛四十春。八荒開壽域，一氣轉洪鈞。  
霖雨思賢佐，丹青憶老臣。應圖求駿馬，驚代得麒麟。  
沙汰江河濁，調和鼎鼐新。韋賢初相漢，范叔已歸秦。  
盛業今如此，傳經固絕倫。豫樟深出地，滄海闊無津。  
北斗司喉舌，東方領縉紳。持衡留藻鑒，聽履上星辰。  
獨步才超古，餘波德照隣。聰明過管輅，尺牘倒陳遵。  
豈是池中物，由來席上珍。廟堂知至理，風俗盡還淳。

才傑俱登用。愚蒙但隱淪。長卿多病久。子夏索居貧。  
回首驅流俗。生涯似衆人。巫咸不可問。鄒魯莫容身。  
感激時將晚。蒼茫與有神。為公歌此曲。涕淚在衣巾。

太雲寺贊公房四首

細軟青絲履。光明白氎巾。深藏供老宿。取用及吾身。  
自顧轉無趣。交情何尚新。道林才不世。惠遠德過人。  
雨瀉暮簷竹。風吹青井芹。天陰對圖畫。最覺潤龍鱗。

謁先主廟

慘澹風雲會。乘時各有功。分社稷。志屈偃經綸。

復嘆留長策。中原仗老臣。雜耕心未已。歐血事酸辛。  
霜氣西南歎。雄圖曆數屯。錦江元過楚。劍閣復通秦。  
舊俗存祠廟。空山立鬼神。虛簷交鳥道。枯木半龍鱗。  
竹送清溪月。苔移玉坐春。問閭兒女換。歌舞歲時新。  
絕域歸舟遠。荒城繫馬頻。如何對搖落。况乃久風塵。  
孰與閑張並。功臨耿鄧親。應天才不小。得士契無隣。  
遲暮堪帷幄。飄零且釣緝。向來憂國淚。寂寞洒衣巾。

太歲日

楚岸行將老。巫山坐後春。病多猶是客。跡拙竟何人。

閭闔開黃道衣冠拜紫宸榮光懸日月賜予出金銀  
愁寂篤行斷參差虎穴隣西江元下蜀北斗故臨秦  
散地逾高枕生涯脫要津天邊梅柳樹相見幾迴新  
與嚴二郎奉禮別

別君誰暖眼將老病纏身出涕同斜日臨風看去塵  
商歌遠入夜巴俗自爲隣尚愧微軀在遙聞盛德新  
山東群盜散闕下受降頻諸將歸應盡題書報旅人  
奉贈蕭十一使君

昔在嚴公幕俱爲蜀使臣艱危參大府前後問清塵

起草鳴先路乘槎動要津玉堯聊暫出蕭雉只相馴  
終始任安義荒蕪孟母隣聯翩匍匐禮意氣死生親  
張老存家事嵇康有故人食恩慙鹵莽鏤骨抱酸辛  
巢許山林志夔龍廟廊珍鵬圖仍矯翼能載且移輪  
磊落衣冠地蒼茫土木身墳箎鳴自合金石塗逾新  
重憶羅江外同遊錦水濱結歡隨過隙懷舊憶沾巾  
曠絕含香舍稽留伏枕辰停驂雙闕早回鴈五湖春  
不達長卿病從來原憲貧監河受貸粟一起轍中鱗  
奉送嚴公入朝十韻

鼎湖瞻望遠象闕憲章新四海猶多難中原憶舊臣  
與時安反側自昔有經綸感激張天步從容靜塞塵  
南園回羽翮北極捧星辰漏鼓還思晝宮鶯罷轉春  
空留玉帳術愁殺錦城人閣道通丹地江潭隱白蘋  
此生那老蜀不死會歸秦公若登台輔臨危竟愛身

土白帝城

二首其一

江城合變態一上一回新天欲今朝雨山歸萬古春  
英雄餘事業衰邁久風塵取醉他鄉客相逢故國人  
兵戎獨擁蜀賦歛尚輸秦不是頰形勝深慙畏換神

贈王侍御契口十韻

徃徃雖相見飄飄愧此身不關輕紱冕俱是避風塵  
一別星橋夜三移斗柄春敗亡非赤壁奔走爲黃巾  
子去何蕭灑余藏異隱淪詩成無過鴈衣故有懸鶉  
恐懼行裝數伶俜臥疾頻曉鶯多近淚秋月解傷神  
奮鬪嗟鷺黑含悽話苦辛接輿還入楚王粲不歸秦  
錦里殘丹竈花溪得釣綸消中祗自惜晚起索誰親  
伏柱聞周史乘槎似漢臣鷓鴣不易狎龍虎未宜馴  
客即掛冠至交非傾蓋新由來意氣合直取性情真

浪跡同生死無心耻賤貧偶然存蔗芋幸各對松筠  
簾飯依他日窮愁怪此辰女長裁褐穩男大卷書勻  
滿口江如練蚕崖雪似銀名園當翠嶺野棹沒青蘋  
屢喜王侯宅時邀江水人追隨不覺晚欵曲動彌旬  
但使芝蘭秀何須棟宇隣山陽無俗物鄭驛正留賓  
出入並鞍馬光輝忝席珍重遊先主廟更歷少城圍  
石鏡通幽魄琴臺隱降曆送終惟糞土結愛獨荆榛  
置酒高林下觀棋積水濱區區茸累趺稍稍息勞窮  
網聚粘圓鯽絲繁煮細葷長歌敲柳瘦小睡凭藤輪

農月須知果田家敢忘勤浮生能去食良會惜清晨  
列國兵戈暗合王德教淳夢聞除揆偷休作畫麒麟  
洗眼看輕薄虛懷任屈伸莫令膠漆地萬古重雷陳

傷春

五首  
共四

再有朝廷亂誰知消息真近傳王在洛復道使歸陳  
奪馬悲公主登車泣貴嬪蕭關迷北上滄海歎東巡  
敢料安危體猶多老大臣豈無嵇紹血沾洒屬車塵

送陵州路使君任

王室比多難高官皆武臣幽燕通使者岳牧用詞人



國待賢良急君當拔擢新佩刀成氣象行蓋出風塵  
戰伐乾坤破瘡痍府庫貧衆僚宜潔白萬役但平均  
霄漢瞻佳士泥塗任此身秋天正搖落回首大江濱

江陵望幸

旌都元杜麗望幸歛威神地利西通蜀天文北照秦  
風烟含越鳥舟楫控吳人未枉周王駕終期漢武巡  
甲兵分聖旨居守付宗臣早發雲臺仗恩波起涸鱗

韓集

春雪間或作早梅

梅拚雪共春彩豔不相因逐吹能爭密排技巧妬新  
誰令香滿座獨使淨無塵芳意饒呈瑞寒光助照人  
玲瓏開已徧點綴坐來頻那是供疑似須知兩逼真  
熒煌初亂眼浩蕩忽迷神未許瓊華比從將玉樹親  
先期迎獻歲更伴占茲辰願得長輝映輕微敢自珍

早春雪中聞鶯

朝鶯雪裏新雪樹眼前春帶澁先迎氣侵寒已報人  
共矜初聽早誰貴後聞頻暫轉那成曲孤鳴豈及辰  
風霜徒自保桃李詎相親寄謝幽棲友辛勤不爲身

和席八孳二韻

絳闕銀河曙東風右掖春官隨名共美花與思俱新  
綺陌朝遊間綾衾夜直頻橫門開日月高閣切星辰  
庭變寒前草去劍霄後塵溝聲通苑急柳色壓城勻  
綸綺謀猷盛丹青步武親芳菲含輔藻光景暢形神  
傍砌看紅藥巡池詠白蘋多情懷酒伴餘事作詩人  
倚或作市難藏拙吹竿久混真坐慙空自老江海未  
寧身或作寧身作法酒伴  
七言絕句

正音

送元二使安西

王維

渭城朝雨浥輕塵客舍青青柳色新  
勸君更盡一杯酒西出陽關無故人

寄河上段十六

與君相見即相親聞道君家在孟津  
為見行舟試借問客中時有洛陽人

九日憶山東兄弟

獨在異鄉為異客每逢佳節倍思親  
遙知兄弟登高

處徧挿茱萸少一人

寒食記上

廣武城邊逢暮春  
汶陽歸客淚沾巾  
落花寂寂啼山  
鳥楊柳青青渡水人

首蓓峯寄家人

首蓓峯邊逢立春  
蒲蘆河上淚沾巾  
閨中只是空相  
憶不見沙場愁殺人

峽口送友人

司空曙

峽口花飛欲盡春  
天涯去住淚沾巾  
來時萬里回為

客今日翻成送故人

送呂少府

共醉流芳獨歸去  
故園高士日相親  
深山古路無楊  
柳折取桐花寄遠人

與賈島間遊

張籍

水北原南草色新  
雪消風暖不生塵  
城中車馬應無  
數能解閑行有幾人

楊柳枝詞

劉禹錫

帝行宮汴水濱  
數株殘柳不勝春  
晚來風起花如

雪飛入宮墻不見人

賈生

李商隱

宣室求賢放逐臣。賈生才調更無倫。可憐夜半虛前  
席。不問蒼生問鬼神。

感春

張籍

遠客悠悠在病身。誰家池上又逢春。明年各自東西  
去。此地看花是別人。

遺響

三月晦日贈劉評事

賈島

三月正當三十日。風光別我苦吟身。共君今夜不須  
睡。未到曉鍾猶是春。

鄴宮

陸龜蒙

花飛蝶駭不愁人。水殿雲廊別置春。曉日靚粧千騎  
女。白櫻桃下紫綸巾。

黃陵廟

李群玉

黃陵廟前莎草春。黃陵女兒茜裙新。輕舟短棹唱歌  
去。水遠山長愁殺人。

涼州曲

柳談

閑山萬里遠任人一望閑山淚滿巾青海城頭空有  
月黃砂磧裏本無春

答韋丹

僧靈徹

年老心閑無外事麻衣草座亦容身相逢盡道休官  
去林下何曾見一人

華清宮

崔魯

門橫金鎖怕無人落日秋聲渭水濱紅筆下山寒  
寂濕雲如夢雨如塵

長門怨

崔道融

長門花泣一枝春爭奈君恩別處新錯把黃金買詞  
賦相如自是薄情人

淮上與友人別

鄭谷

楊子江頭楊柳春楊花愁殺渡江人數聲風笛離亭  
晚君向瀟湘我向秦

小遊仙

曹唐

芝蕙芸花爛熳春瑞香烟露濕衣巾玉童私地誇書  
信偷寫雲謠暗贈人

東阿王

李商隱

國事分明屬灌均西陵魂斷斷來人君王不得為天子半為當時賦洛神

寄成都高苗貳從事

家近紅葉曲水濱全家羅棧起秋塵莫得越客千絲網網得西施別贈人

息夫人廟

杜牧

細腰宮裏露桃新脉脉無言度幾春至竟息止緣底事可憐金谷墜樓人

李園花下贈劉郎中

白居易

恹君把酒偏惆悵曾是有元花下人自別花來多少事東風二十四回春

醉後口號

劉商

春草秋風老此身一瓢長醉任家貧醒來還愛浮萍草漂寄官河不屬人

三體

江南意

于鵠

悶向江邊採白蘋還隨女伴賽江神象中不敢分明語暗擲金錢卜遠人

山路見花

崔魯

曉紅輕折露香新，獨立空山冷笑春。  
春意自知無主惜，恣風吹逐馬蹄塵。

過春秋峽

劉言

峭壁蒼蒼苔色新，無風晴景自勝春。  
不知何處幽崖裏，臘月開花似北人。

祗役遇風謝湘中春色

熊孺登

水生風熟布帆新，只見公程不見春。  
應被百花撩亂笑，比來天地一閒人。

奉誠園聞笛

賈牟

曾絕珠纓吐錦茵，欲披荒草訪遺塵。  
秋風勿灑西園淚，滿目山陽笛裏人。

題崔慶士林亭

王維

綠樹重陰蓋四隣，青苔日厚自無塵。  
科頭箕踞長松下，白眼看他世上人。

歲初喜皇甫侍御至

嚴維

湖上新正逢故人，情深應不笑家貧。  
明朝別後門還掩，脩竹千竿一老身。

偶興

羅隱

逐隊隨行二十春，曲江池畔避車塵。  
如今贏得持衰老，閒看人間得意人。

選唐

城東早春

楊巨源

詩家清景在新春，綠柳纔黃半未勻。  
若待上林花似錦，出門俱是看花人。

題道觀

鍾離先生

莫恠追歡笑語頻，尋思離亂可傷神。  
閑來屈指從頭

數到得清平有幾人

重別曾主簿

許渾

淚沿紅粉濕羅巾，重繫蘭舟勸酒頻。  
留却一枝河柳，明朝猶有遠行人。

江上別李秀才

韋莊

前年相送灞陵春，今日天涯各避秦。  
甘尚尊前惜沈醉，與君俱是異鄉人。

經故袁學士居

溫庭筠

劍逐鸞波玉委塵，謝安門下更何人。  
西州城外花千



樹盡是羊曇醉後春

與從弟同下第出閔言別

盧綸

同作金門賦賦人二年悲見故園春到闕不沾新雨  
露還家空帶舊風塵

春詠

雍陶

風惱花枝不耐頻等閑飛落易愁人殷勤最是音書

柳一樹千枝管帶春

洛陽春末送錄事

劉禹錫

尊前花下長相見明日忽為千里人君過午橋回首

望洛陽猶似有殘春

正聲

送客貶五溪

韓翃

南過猿聲一逐臣回看秋早淚沾巾寒天暮雨空山  
裏幾處蠻家是主人

瓜州送朱萬言

顧非熊

渡頭風晚葉飛頭君去還共我秦雙淚別家猶未

斷不堪仍送故鄉人

東陽酒家贈別

韋莊

天涯方嘆異鄉身又向天涯別故人  
明日五更孤店月醉醒何處各沾巾

隴西行

陳陶

擔掃匈奴不顧身五千貂錦喪胡塵  
可憐無定河邊骨猶是春閨夢裏人

李係

答湖州迦葉司馬問白是何人

青蓮居士謫仙人酒肆藏名三十春  
湖州司馬何須問金粟如來是後身

贈李十二

士贇曰此詩乃攝監察御史崔成甫贈太白者附見於此

我是瀟湘放逐臣君辭明主漢江濱  
天外常求太白老金陵捉得酒仙人

蘇臺吟

舊苑荒臺楊柳新菱歌清唱不勝春  
只今唯有西江月曾照吳王宮裏人

長門怨

二首其二

桂殿長愁不記春黃金四屋起秋塵  
夜懸明鏡青天上獨照長門宮裏人

贈段七娘

羅襪凌波生網塵那能得計訪情親  
千杯綠酒何辭醉一面紅裝惱殺人

橫江詞 六首 其二

橫江西望阻西秦漢水東連揚子津  
白浪如山那可渡狂風愁殺峭帆人

上皇西巡南京歌 十首 其九

水綠天青不起塵風光和暖勝三秦  
萬國煙花隨王桀西水添作錦江春

出妓金陵子呈盧六 四首

安石東山三十春傲然携妓出風塵  
樓中見我金陵子何似陽臺雲雨人

杜集

漫興 九絕 其三

熟知茅齋絕低小江上燕子故來頻  
啣泥點污琴書內更接飛蟲打 都弄者人

喜聞盜賊蕃寇退口號 五首 其二

替晉多教使入秦數通和好止煙塵  
朝廷忽用哥舒

將殺伐虛悲公主親

江畔獨步尋花七絕句其二

稠花亂蕊晨一作江濱行步歌一作危實怕春詩酒

尚堪驅使在未湏料理白頭人

戲為六絕其五

不薄今人愛古人清詞嚴句必為鄰竊攀屈宋宜方

駕恐與齊梁作後塵

韓集

題木居士二首 其二

火透波穿不計春根如頭面榦如身偶然題作木居士便有無窮求福人

賽神

白布長衫紫領巾差科未動是閑人麥苗含穰桑生蕪共向田頭樂社神

遊太平公主山莊

公主當年欲古春故將臺榭押或作城闈欲知前面

花多少或作直到南山不屬人

題廣昌館

白水龍飛已幾春，偶逢或作尋遺跡問耕人。丘墳發掘當官道，或作何處南陽有近親。

寄隨州周員外

陸孟丘揚父作塵，同時存者更誰人。金丹別後知傳得，乞取刀圭救病身。蜀本揚作陽

上鄉翁請修武侯廟遺像缺落時，崔鄉權

莒州

大賢為政即多聞，刺史真符不必分。尚有西郊諸若廟，卧龍無首對江濱。

喜聞河北諸道節度使入朝十二首其五

鳴玉鏘金盡正臣，修文偃武不無人。與王會盡秋氣氣，聖壽宜過一萬春。

同前題其六

英雄見事若通神，聖哲為心小一身。燕趙休矜出佳麗，宮門不擬選才人。

七言律詩

正音

春日與裴迪過新昌里訪呂逸人不遇

王維

桃源面面少風塵。柳市南頭訪隱淪。到門不敢題凡鳥。看竹何須問主人。城外青山如屋裏。東家流水入西隣。閉戶著書多歲月。種松皆作老龍鱗。

自蘇臺至望亭驛人家盡空。悵然有作寄

從弟紆

李嘉祐

南浦菰蒲覆白蘋。東吳黎庶逐黃巾。野棠自發空流水。江燕初歸不見人。遠樹依依如送客。平田渺渺獨傷春。那堪回首長洲苑。烽火年年報虜塵。

送馬秀才落第歸江南

劉長卿

南客懷歸鄉夢頻。東門悵別柳條新。殷勤斗酒城陰暮。蕩漾孤舟楚水春。湘竹舊斑思帝子。江離初綠怨騷人。慙君此去未得意。陌上愁看淚滿巾。

送友人遊江南

耿湋

遠別悠悠白髮新。江潭何處是通津。潮聲偏懼初來客。海味惟甘久住人。漠漠烟光前浦晚。青青草色定山春。汀洲更有南回雁。亂起聯翩北向秦。

周家谿亭

王建

少年因病離天仗，乞得歸來日養身。  
買斷竹谿無別主，散分泉石與新隣。  
山頭厓下長驚犬，池面魚遊不  
怕入鄉使到門。常款語還聞世上有功臣。

三體

龍泉寺絕頂

方干

未明先見海底日，良久遠鷄方報晨。  
古樹含風常帶雨，寒巖四月始知春。  
中天氣爽星河近，下界時豐雷雨  
均。狗前後登臨思無盡，年年改換往來人。

贈玉山人

許渾

賞酒聽琴訪我頻，始知城市有閑人。  
君臣樂在寧憂病，子母錢成豈患貧。  
長每勞推甲子，夜寒初共守庚申。  
近來聞說燒丹處，玉洞桃花萬樹春。

寄樂天

元稹

赤辱昇沉影與身世情，誰是舊雷陳。  
惟應鮑叔偏憐我，自保魯參不殺人。  
山入白接沙苑暮，潮生滄海野塘春。  
老逢佳景惟惆悵，兩地各傷無限神。

緋桃

唐彥謙

短牆荒圃四無隣，烈火緋桃照地春。  
坐久好風休捲

袂夜來微雨已沾巾敢同俗態期青眼似有微詞動  
絳唇盡日更無鄉井念此時何必見秦人

牡丹

羅隱

似近東風別有因絳羅高卷不勝春若教解語應傾  
國任是無情亦動人為藥與君為近侍笑容何處避  
芳塵可憐韓令功成後華名穠華過此身

正聲

送耿拾遺遊上都

若為天畔獨歸秦對水看山欲暮春窮海別離無限

路隔河征戰幾歸人長安萬里傳雙淚漢道德千峯寄  
一身想到鄜亭愁駐馬不堪而望見風塵

寄蘇州白二十二使君

張籍

三朝出入紫微臣頭白金章未在身登第早年同座  
主題書今日異州人間門柳色烟中遠茂苑鶯聲雨  
後新此處吟詩向山寺知君志却曲江春

鼓吹

漢壽城春望

劉禹錫

漢壽城邊野草春荒祠上墓對荆榛田中牧豎燒芻



狗陌上行人看石麟華表半空驚  
霹靂碑文總見滿埃塵不知何日東瀛變  
此地還成要路津

送李庾先輩赴選

一家何啻十朱輪諸父雙飛乘大鈞  
曾脫素衣參幕客却為精舍讀書人  
離筵洛水侵杯色征路函關向晚塵  
今日山翁舊賓主知君不負帝城春

柳州峒氓

郡城南下接通津異服殊音不可親  
青箬裹鹽歸洞客綠荷包飯趁墟人  
鵝毛禦臘縫山劔鷄骨占年拜

水神愁向公庭問重譯欲投章甫作文身

羽林賈中丞

曹唐

四十年前百戰身曾驅虎隊掃邊塵  
風悲鼓角榆關暮日落旌旗隴草春  
鐵馬慣牽邀上客金魚多解乞聲  
去佳人胸中別有安邊計誰朱髭鬚白似銀

劉阮到天台不復見諸仙子 宋邕

再到天台訪玉真青苔白石已成塵  
笙歌寂寞閑深洞雲鶴蕭條絕舊隣  
草樹總非前度色煙霞不似往年春  
桃花流水依然在不見當時勸酒人

延平天慶觀

王初

劍化江邊綠構新層臺不染玉梯塵千章隱篆標龍  
簡一曲空歌降鳳鈞嵐氣濕衣雲葉晚天香飄戶月  
寂春盟金早晚聞仙語學種三芝伴羽人

回中牡丹為雨所敗

李商隱

浪笑榴花不及春先期零落更愁人玉盤迸淚傷心  
數錦瑟驚絃破夢頻萬里重陰一作非舊園一年生  
意寓流塵前溪舞罷君迴顧併覺今朝粉態新

贈溫庭筠

紀唐夫

何事明時泣玉頻長安不見杏園春鳳凰詔下雖沾  
命鸚鵡才高却累身且盡綠醅消積恨休辭黃綬拂  
行塵方城若比長沙路猶隔千山與萬津

公子宅

李崱

柳底花陰壓路塵瑞烟輕罩一園春鴛鴦占水能欺  
一作客鸚鵡嫌籠解罵人驀裊似龍隨日換輕盈如  
燕逐年新不知盡買長安笑活得蒼生幾戶貧

送崔巡使還本府

武元衡

勞君重馬此逡巡我與劉公本是親兩地山川分節

制十年京洛共風塵笙歌幾處胡大日羅綺長留蜀  
國春報主獨來須盡敵還期萬里寶刀新

感舊

胡宿

千里青雲未致身馬蹄空踏幾年塵曾迷玉洞化光  
老欲過金城柳眼新粉壁已沉題鳳字酒壚猶記姓  
黃人塢中橫笛偏多感一涕闌干白角巾

自商山宿陶令隱居

蘇廣文

聞道花源堪避秦尋幽一作尋幽數日不逢人烟霞洞裏  
無鷄犬風雨林中有鬼神黃公石上三芝秀陶令門

前五柳春醉卧白雲閑入夢不知何物是吾身

從軍後答友人

一作答山反

王建

愛山無藥住溪貧脫却山衣事漢臣夜半聽鷄梳白  
髮天明騎馬走紅塵一作走馬村童近去嫌醒食野

八紅塵

鶴高飛避俗人勞動先生遠相訪別來弓箭不離身

寄許下前館記王侍御

譚用之

昔年南去得娛賓頓遜杯前共好春蝗泛羽觴蠶酒  
膩鳳啣瑤句蜀笺新花憐遊騎紅隨轡草戀征車碧  
遠輪別後青青鄭南陌不知風月屬何人

秋夜同友人話舊

露下銀河鴈度頻  
囊中壚火幾時真  
數莖白髮生浮世  
一盞寒燈共故人  
雲外簟涼吟嶠月  
島邊花暖釣江春  
何當歸去重携手  
依舊紅霞作近隣

新歲對寫真

司空圖

得見明時下壽身  
須甘歲酒更移巡  
生情特結上重恨  
寒勢常欺一半春  
文武輕銷丹竈火  
市朝偏貴黑頭人  
自傷衰颯慵開鏡  
擬與兒童別寫真

益州

鄭谷

海棠風外獨沾巾  
襟袖無端染蜀塵  
和暖又逢桃李日  
寂寥未是采花人  
不嫌蟻酒衝愁陣  
却憶漁蓑覆病身  
何事晚來微雨過  
錦江春似曲江春

和張處士詩

陸龜蒙

勝華通子共悲辛  
荒運今為舊宅隣  
一代交遊非不貴  
五湖風月合教貧  
魂應絕地為才鬼  
名與遺編在史臣  
聞道平生偏愛石  
至今猶泣洞庭人

送薛補闕入朝

鮑防

平原門下十餘人  
獨愛恩多未殺身  
每嘆陸家兄弟

少更憐楊氏子孫貧紫門豈斷施行馬魯酒那堪醉  
近臣賴有軍中遺今在猶將談笑對風塵

將歸東都寄令狐舍人寄一作別楊巨源

綵楊紅杏滿城春一騎悠悠萬井塵岐路未閑今日  
事風光欲醉長年人閑過騎陌尋高寺強對朱門謁  
近臣多病晚來還有策洛陽山色舊相親

劉晨阮肇遊天台 宋邕

樹入天台石路新雲和草靜迥無塵烟霞不省生前  
事水木空疑夢裏身往往鷄鳴岩下月時時犬吠洞

中春不知此地歸何處須就桃源問主人

寄歸一名寄 趙嘏

二年踏盡化衣塵只見長安不見春馬過雪街天欲  
曉鄉迷雲樹淚空頻桃花鳩接啼猿寺野竹亭通書  
鷓鴣津早晚粗酬身事了水邊歸去一閑人

故洛陽城 李郢

胡兵一動朔方塵不使鑿輿此重巡清洛但流嗚咽  
水上陽深一作開鎖寂寥春雲收少室初晴雨柳拂中  
橋晚渡津欲問升平無故老龍樓回首落花頻

送崔琦赴宣州幕

盧綸

五馬臨流待暮賓，羨君談笑出風塵。  
身閑就養能辭遠，世難移家莫厭貧。  
天際曉山三峽路，津頭臘市九江人。  
何處遙知最惆悵，滿湖青草鴈聲春。

殘春寄張祐

杜牧

暖雲如粉草如茵，獨步長隄不見人。  
一嶺桃花紅錦蹙，半溪山水綠羅新。  
高枝百舌猶欺鳥，帶葉梨花獨送春。  
仲蔚欲知何處在，苦吟林下拂詩塵。

別彰德軍從事范校書

尚新

無金甯與白頭親，節槩猶誇似古人。  
未出塵埃真落魄，不趨權勢正因循。  
桂枝懸明月，曾覩國蓬轉西風。  
却問津西馬，京歸羨知已。  
燕王臺上結交新。

銀河

王初

閭闔踈雲漏，絳津橋頭秋夜鵲。  
飛頻猶殘仙媛湔裙水，幾見星妃度。  
襪塵歷歷素榆飄，玉葉涓涓清月濕。  
水輪年來若有乘槎客，為吊波靈是楚臣。

春日寄懷

李隱

世間榮落重逡巡，我獨立園坐四春。  
縱使有花兼有

月可堪無酒更無人青袍似草年年定白髮如絲日  
日新欲逐風波千萬里未知何路到龍津

和道溪君別業

溫庭筠一

積潤初消碧草新鳳陽晴日帶雕輪絲飄弱柳平橋  
晚雪點寒梅小院春屏上樓臺陳後主鏡中金翠李  
夫人花房露透紅珠落蛺蝶雙雙護粉塵

金塘道士

李群玉

山連楚越復吳秦蓬梗何年是住身黃葉黃花古城  
道秋風秋雨別家人水霜想度商於凍柱王愁居帝

里貧十口繫心拋不得每回回首即長頻

寓懷

李山甫

萬古交馳一片塵思量名利孰如身長楚好事皆靈  
事却恐閑人是貴人老逐少來終不放尋隨榮後定  
須勾勸君莫謾誇頭角夢裏輸贏總未真

哭楊攀慶士

許渾

先生憂道樂清貧白髮終爲不仕身嵇阮沒來無酒  
客應劉亡後少詩人山前月照孤墳曉溪上花開舊  
宅春昨夜回舟更惆悵至今鍾磬滿南隣

詩選

享龍池樂章應制

姚崇

恭聞帝星生靈沼應報明君鼎業新  
既協翠朶光寶命還符白水出真人  
昔時舜海潛龍躍此日堯河帶馬巡  
獨有前池一小鴈叨承舊惠入天津

奉和早發三鄉山應制

張九齡

羽衛森森西向秦山川歷歷在清晨  
晴雲稍卷寒岩樹宿雨微消御路塵  
聖德猶夾合天道靈符即此應時巡  
遺賢一皆登用猶欲高深訪隱淪

上吉甫相公

王述

聖朝齊賀說逢殷霄漢無雲日月真  
金鼎調和天膳美瑤池沐浴賜衣新  
兩河開地山川正四海休兵造化仁  
曾向山東為散吏當今實憲是賢臣

送張負外出牧岳州

錢起

鳳凰御詔與何人善政多才寵寇恂  
臺下鴛鸞爭送遠岳陽雲樹待行春  
自憐黃閣知音在不厭彤幃出守頻  
應笑馮唐衰且拙世情相見白頭新

過五大原

溫庭筠



鐵馬雲騅久絕塵柳陰高壓漢宮春  
天晴殺氣屯關右夜半妖星照渭濱  
下國卧龍空誤主中原逐鹿不因人  
象床寶帳無言語從此誰周是老臣

同李端春望

耿緯

二毛羈旅尚迷津萬井鶯花雨後春  
宮闕參差當落日河山迤邐淨纖塵  
和風醉裏承親客芳草歸時失意人  
南北東西各自去年年依舊物華新

送李司空正赴鎮襄陽

張籍

中外蕪權社稷臣千官齊出拜行塵  
再調公鼎勲庸

盛三受兵符寵命新商路雪開旌旆展  
楚堤柳發驛亭春襄陽風景由来好重  
與江山作主人

贈容南韋中丞

陳陶

普寧都護軍威重九譯梯航壓要津  
十二銅奩尊畫戟二千犀甲擁朱輪  
風雲已靜西山寇閭井今移上國春  
不獨來蘇發歌詠天涯半是泣珠人

聞收東京有赦

劉長卿

傳聞闕下降絲綸為報關東滅虜塵  
壯士已憐成白首餘生猶待發青春  
風霜何事偏傷物天地無情亦

愛人持法不瀆張密網恩波自解惜枯鱗

題蘇州虎丘寺僧院

許渾

暫引寒泉濯遠塵此生多是異鄉人  
荆溪夜雨花飛疾六苑秋風月滿頻  
萬里高低門外路百年榮辱夢  
中身世間誰似西林客一卧煙霞四十春

類編

人日重宴大明宮應制

王維

端拱無為屬聖人。瑤輿出幸玩芳辰。  
平樓半入南山霧。飛閣遙臨野水春。  
夾路桃花千樹發。垂軒楊柳萬

枚新處風光今日好年年願奉屬車塵

又

鸞鳳旌旗拂曉陳。魚龍角觝大明辰。  
青韶既肇人為日。綺勝初成日作人。  
聖藻凌高裁柏賦。仙歌促宴摘梅春。  
垂旒一慶宜年酒。朝野俱歡薦壽新。

送帝侍御報使西蕃

殷堯藩

歸奏聖朝行萬里。却啣天詔報蕃臣。  
本是諸生守文墨。今將疋馬靜烟塵。  
旅宿關河逢暮雨。春耕亭障識遺民。  
此去多應收故地。寧辭沙塞往來頻。

杜集

寄常徵君

白水青山空復春  
徵君晚節傍風塵  
楚妃堂上色殊  
衆海鶴階前鳴  
向人萬事糾紛  
猶絕粒一官羈絆實  
藏身開州入夏知  
涼冷不似雲安毒熱新

呈吳郎

堂前撲棗任西隣  
無食無見一婦人  
不為困窮寧有此  
祗緣恐懼轉須親  
即防遠客雖多事  
使插疎籬却甚真  
已訴徵求貧到骨  
正思戎馬淚盈巾

送鄉弟詔陪黃門從叔朝謁

令弟尚為滄水使  
名家莫出桂陵人  
比來相國兼安蜀  
歸赴朝廷已入秦  
捨舟策馬論兵地  
拖玉腰金報主身  
莫度清秋吟蟋蟀  
暑開黃閣畫麒麟

冬至

年年至日長為安  
易忽窮秋泥殺人  
江上形容吾獨老  
天涯風俗自相親  
杖藜雪後臨丹壑  
鳴玉朝來散紫宸  
心折此時無一寸  
路迷何處見三秦

將赴成都草堂途中有作先寄嚴鄭公

處處清江帶白蘋。故園猶得見殘春。雪山片候無兵馬。錦里逢迎有主人。休怪兒童迓俗客。不教鵝鴨惱比隣。習池未覺風流盡。况復荊州賞更新。

奉送蜀州栢二別駕將中丞命赴江陵起  
居衛尚書太夫人因示從弟行軍司馬位  
中丞問俗盡熊頻。愛弟傳書綠鷁新。遷轉五州防禦使。起居八座太夫人。楚宮臘送荆門水。白帝雲偷碧海春。與報惠連詩不惜。知吾班鬢總如銀。

曲江二首

其一

一片花飛減却春。風飄萬點正愁人。且看欲盡花經眼。莫厭傷多酒入唇。江上小堂<sub>一本</sub>巢翡翠苑<sub>一本</sub>。邊高塚卧麒麟。細推物理須行樂。何用浮名絆此身。

南隣

錦里先生烏角巾。園收芋栗不全貧。慣看賓客兒童喜。得食階除鳥雀馴。秋水纒添四五尺。野航恰受兩三人。白沙翠竹江村暮。相送柴門月色新。

留別公安太易沙門

隱居欲就廬山遠。廉藻初逢休上人。數問舟航留制

作長開篋笥擬心神沙村白雪仍含凍江縣紅梅已  
放春先踏爐峯置蘭老徐飛錫杖出風塵

燕子來舟中作

湖南為客動經春燕子啣泥兩度新舊入故園常識  
主如今杜日遠看人可憐處處巢居室何異飄飄托  
此身暫語舡檣還起去穿花落水一沾巾

崔氏東山草堂

愛汝玉山草堂靜高秋爽氣相鮮新有時自發鍾磬  
響落日更見漁樵人盤剝白鷗谷口栗飯煮青泥坊

底芹何為西莊王給事柴門空閉鎖松筠

題鄭縣亭子

鄭縣亭子澗之濱戶牖憑高發興新雲斲嶽蓮臨大  
路天晴宮柳暗長春巢邊野雀群欺燕花底山蜂遠  
趁人更欲題詩滿青竹晚來幽獨恐傷神

九日

去年登高鄴縣北今日重在涪江濱苦遭白髮不相  
放羞見黃花無數新世亂鬱鬱久為客路難悠悠常  
傍人酒闌却憶十年事腸斷驪山清路塵

奉寄章十侍御

淮海維揚一俊人金章紫綬照青春指麾能事回天  
地訓練強兵動鬼神湘西不得歸關羽河內猶宜借  
寇恂朝覲從容問幽側勿云江漢有垂綸

韓集

奉酬振武胡十二丈大夫

傾朝共羨寵光頻半歲遷騰作虎臣戎旆暫停辭社  
樹里門先下敬鄉人橫飛玉盞家山曉遠蹠音牒金珂  
塞草春日笑平生誇膽添氣離文字髮毛新

韶州留別張端公使君

來往再逢梅柳新別離一醉綺羅春又欽江總文才  
妙自歎虞翻骨相屯鳴笛急吹爭落日清歌緩送歎  
行人已知奏課當徵拜那復淹留詠白蘋

酒中留上襄陽李相公

濁水汙泥清路塵還曾同制掌絲綸眼穿長訝雙魚  
斷耳熱何辭數爵頻銀燭未銷惣送曙金釵半醉座  
添春知公不又歸鈞軸應許閑官寄病身

十二文

五言絕句

正音

秋風

劉禹錫

何處秋風至蕭蕭送雁群朝來入庭樹孤客最先聞

山中寄諸弟

王維

山中多法侶禪誦自為群城郭遙相望惟應見白雲

遺響

續曲歌

張祐

不見心相許徒云脚謾動摘荷空摘葉是底采蓮人

人字出十一真  
此詩通底格

微雨

李商隱

初隨林靄動稍共夜涼分自過侵燈冷庭虛近水聞

正聲

江亭夜月送別

王勃

江送巴南水山橫塞北雲津亭秋夜月誰見泣離群

李集

憶東山

二首  
其二

我今携謝妓長嘯絕人群欲報東山客開闔掃白雲

秋浦歌 十七首

桃波一步地了了語聲聞聞與山僧別低頭禮白雲

韓集

花島

蜂蝶去紛紛香風隔岸聞欲知花島處水上覓紅雲

五言律詩

始音

山居晚眺贈王道士

王勃

金壇踈俗宇玉洞似仙群花枝極晚露潭葉度晴雲

斜照移山影迴沙擁籀文琴樽力待與竹樹已迎曛

贈李榮道士

盧照隣

錦節御天使瓊仙駕羽君接金翠山曲莫壁清江瀆  
圓洞開丹鼎方壇聚絳雲資貺幽難識空歌迥易分

巫山高

巫山望不極望望下朝氣莫辨啼猿徒看神女雲  
驚濤亂水脉驟雨暗峯文沾裳即此地况復遠思君

正音

送張道士歸山

王維



先生何處去王屋訪茅君別婦留丹訣駢鷄入白雲  
人間若剩住天上復離群當作遼城鶴仙歌使爾聞

秋夜宴臨津鄭明府宅

杜審言

行止皆無地招尋獨有君酒中堪累月身外即浮雲  
霜白霄鍾徹風清曉漏聞坐攜餘興往還似未離群

高宮谷贈鄭郵

岑參

谷口來相訪空齊不見君澗花然暮雨潭樹暖春雲  
門徑稀人跡簷峰下鹿群衣裳與枕席山靄碧氤氳

喜皇甫侍御相訪

劉長卿

荒村帶晚照落葉亂紛紛古路無行客空山獨見君  
野橋經雨斷澗水向田分不為憐同病何人到白雲

送別錢起

三體作別鄭礪

郎士元

真蟬不可聽落葉豈堪聞共是悲秋客那知此路分  
荒城背流水遠鴈入寒雲陶令東籬菊餘花可贈君

遺響

春日早朝寄錙起居

姚合

九衢寒霧歛雙闕曙光分綵仗迎春日香煙接瑞雲  
珮聲清漏間天語侍臣聞莫笑馮唐老還來謁聖君

題金山寺

張祐

一宿金山寺微茫水國分  
僧歸夜舫月龍出曉堂雲  
樹影中流見鍾聲兩岸聞  
因悲在城市終日醉醺醺

三體

送王翁信及第歸浙江

方干

南行無俗侶秋鴈與寒雲  
野趣自多愜香名人共聞  
吳山中路斷淞水半江分  
此地登臨慣攄情一送君

送友人歸宜春

張喬

落花蕪柳絮無處不紛紛  
遠道空歸去流鶯獨自聞

野橋喧碓水山郭入樓雲  
故里南陵曲秋期更送君

汝墳別業

祖詠

失路農為業移家到汝墳  
獨愁常廢卷多病久離群  
鳥雀垂窓柳虹蜺出澗雲  
山中無外事樵唱有時聞

送成州程使君

岑參

程侯新出守好日發行軍  
拜命時人羨能官聖主聞  
江樓暗寒雨山郭冷秋雲  
行馬諸童子朝朝待使君

暮過山寺

賈島

衆岫聳寒雲精廬向此分  
流星透疎木走月逆行雲

絕頂人來少高松鶴不群一僧年八十世事未曾聞

送史澤之長沙

司空曙

謝眺懷西府單車觸火雲野蕉依戍客朝竹映湘君  
夢渚巴山斷長沙楚路分一杯從別後風月不相聞  
夜宿龍吼灘思峨眉隱者 岑參

官舍臨江口灘聲已慣聞水煙晴吐月山火夜燒雲  
且欲求方士無心戀使君異鄉那可住况復夕離君

茅山

步武入山門仙家鳥徑分漁不到處麋鹿自成群

石回迸出水松頭穿破雲道人星月下相次禮茅君

正聲

奉和登驪山高頂應制

蘇頌

仙蹕御層氛高高積翠分岩聲中谷應天語半空聞  
豐樹連黃葉函關人紫雲聖圖快寓縣歌賦少橫汾

題靈隱寺山頂院

綦毋潛

招提此山頂下界不相聞塔影掛清漢鍾聲和白雲  
觀空靜室掩行道衆香焚且駐西來駕人天日未曛

湖口望廬山瀑布水

張九齡

萬丈洪泉落迢迢半紫氛奔飛下雜樹洒落出重雲  
日照虹霓似天清風雨聞靈山多秀色空水共氤氳  
類編

皇帝聖感祠

王盧綸

天香五鳳彩御馬六龍文雨露清馳道風雷翊上軍  
高旂花外轉行漏樂前聞時見金鞭舉空中指瑞雲  
奉和鄒魯祭孔子而嘆應制 趙彥昭  
孔聖家鄒魯儒風藹典墳龍驤過舊宅鳳德詠餘芬  
入廟神如在升堂樂似聞緣知一王法今日待明君

君不來

方干

閑花未零落心緒已紛紛久客無人見新禽何處聞  
舟隨一水遠路出萬山分夜月生愁望孤光必照君  
春日同李庶子遵興善寺東院曉望

盧綸

映水竹橫分當山起鴈群陽峰對高寺陰井下通雲  
雪書唯逢鶴花時比見君由來禪誦地多有謝公文

李集

侍從遊宿溫泉宮作

羽林十二將羅列應星文霜仗懸秋月霓旌卷夜雲  
巖更千戶肅清樂九天聞日出瞻佳氣葱葱繞聖君  
過崔八丈水亭

高閣橫秀氣清幽併在君蒼蒼飛宛溪水窓落散亭雲  
猿嘯風中斲漁歌月裏聞閑隨白鷗去沙上自為群

贈郭李鷹

河東郭有道於世若浮雲盛德無我位清光獨映君  
耻將鷄並食長與鳳為群一擊九千仞相期凌紫氛

贈孟浩然

吾愛孟夫子風流天下聞紅顏棄軒冕白首卧松雲  
醉月頻中聖迷花不事君高山安可仰從此揖清芬

宣城哭蔣徵君華

敬亭埋玉樹知是蔣徵君安得相如草空餘封禪文  
池臺空有月詞賦舊凌雲獨掛迤陵劍千秋在石墳  
夜泊牛渚懷古

牛渚西江夜青天無片雲登舟望秋月空憶謝將軍  
余亦能高詠斯人不可聞明朝掛帆席

一作洞  
廔去楓葉

落一作紛紛

杜集

秦川雜詩 二十首 其十六

東柯好崖谷不與衆峰群  
落日邀雙鳥晴天捲片雲  
野人吟一本作險絕水竹會平分  
採藥吾將老見童未遣聞

琴臺

茂陵多病後尚愛車文君  
酒肆人間世琴臺日暮雲  
野花留寶鬢蔓草見羅裙  
歸鳳求凰意寥寥不復聞

晴二首 其二

久雨巫山暗新晴錦綉文  
碧知湖外草紅見海東雲  
竟日鶯相和摩霄鶴數群  
野花乾更落風處急紛紛

曉望

白帝更聲盡陽臺曉一作暝  
色分高峯寒上日疊嶂領宿  
霧雲地拆江流一作帆隱天清木葉聞  
荆門一作扉對麋鹿應共爾為群

天寶初南曹小司寇  
曩稱我太夫人堂下  
累土為山一篲盈尺以代彼朽木承諸焚  
香窈窕甚安矣芳植慈竹蓋茲數峰巖峯

嬋娟宛有塵外數致乃不知與之所至而  
作是詩

一簣功盈天三峯意出群望中疑在野幽處欲生雲  
慈竹春陰覆香爐曉勢分淮南將獻壽佳氣日氛氛

春日懷李白

白也詩無敵飄然思不群清新庾開府俊逸鮑參軍  
渭北春天樹江東日暮雲何時一樽酒重與細論文

陪鄭廣文遊何將軍山林十首共九

床上書連屋階前樹拂雲將軍不好武稚子總能文

醒酒微風入論詩靜夜分絺衣掛羅薛涼月白紛紛

留別曹嚴二閣老兩院補闕得聞字

田園須暫住戎馬惜離群去遠留詩別愁多任酒曛  
一秋常苦雨今日始無雲山路晴一作時吹角那堪處

處聞

別房太尉墓名

他鄉復行役駐馬別孤墳近淚無乾土低空有斷雲  
對墓陪謝傳把劍覓徐君惟見林落花鶯啼送客聞

孤鴈

孤鴈不飲啄飛鳴聲念群惟憐一片影相失萬重雲  
望盡似猶見衰多如更聞野鷗無意緒鳴噪自紛紛

秋野

五首  
其五

身許騏驎盡年衰鴛鴦群大江秋易盛空峽夜多聞  
逕隱千重石帆留一片雲兒童解蠻語不必作參軍

觀李固請司馬弟山水圖

三首  
其二

方丈渾連水天台總映雲人間長見畫老去恨空聞  
范蠡舟偏小玉喬鶴不群此生隨萬物何處出塵氛  
江閣對雨有懷行營裴二端公

兩紀風濤壯陰晴屢不分野流行地日江入度山雲  
層閣憑窗殷長空面文雨來銅柱北意洗伏波軍

舟中夜雪有懷盧十四侍御弟

朔風吹柱水大雪夜紛紛暗度南樓月寒深北渚雲  
燭斜初近見舟重竟無聞不識山陰道聽鷄更憶君  
戲寄崔評事諸姪

隱豹深成雨潛龍故起雲泥多仍徑曲心醉阻賢群  
忍待江山屢還披鮑謝文高樓憶竦諮秋興坐氤氳

南楚



南楚青春異暄寒  
早早分無名江上草  
隨意嶺頭雲  
正月蜂相見  
非時鳥共聞  
杖藜妨躍馬  
不是故離群

歸鴈二首  
其二

歎雪遶胡地  
先花別楚雲  
却過清渭影  
高起洞庭群  
塞北春陰暮  
江南日色曛  
傷弓流落羽  
行斲不堪聞

晨雨

小雨晨光內  
初未葉上聞  
霧交終洒地  
風逆旋隨雲  
暫起荆扉色  
輕沾烏歛群  
麝香山一半  
亭午未全分

題栢大兄弟山居屋壁二首  
其二

野屋流寒水  
山籬帶白雲  
靜應連虎穴  
喧已去人群  
筆架沾窓雨  
書籤映隙曛  
蕭蕭千里馬  
箇箇五花紋

懷舊

地下蘇司業  
情親獨有君  
那知喪亂後  
便有死生分  
老罷知明鏡  
悲來望白雲  
自從失詞伯  
不復更論文

九日五首  
其三

舊與蘇司業  
無隨鄭廣文  
采花香泛泛  
坐客醉紛紛  
野樹散還倚  
秋砧醒却聞  
歡娛兩冥寞  
西北有孤雲

暮春題襄西新賃草屋五首  
其二

此郊千樹橘不見比封君養拙干戈際全生麋鹿群  
畏人江北草旅食讓西雲萬里巴渝曲三年實飽聞

五言排律

始音

宿温城望軍營

駱賓王

虜地寒膠折邊城夜柝聞兵符閑帝闕天策動將軍  
塞靜胡笳徹沙明楚練分風旂翻翼影飛劍轉龍文  
白羽搖如月青山斷若雲烟踈疑卷幔塵城似消氛  
投筆懷班業臨戎想顧勳還應雪漢耻持此報明君

類編

遊栖霞寺同沈拾遺宿康上人房

權德輿

偶來人境外心賞幸隨君古殿烟霞夕深山蘭桂薰  
崑花點寒溜石磴掃春雲清梵諸天近誼塵下界分  
名僧康寶月上客沈休文共宿東林下清猿徹曙聞

杜集

南極

南極青山衆西江白公分古城踈落木荒戍密寒雲

歲月蛇常見風颯虎忽聞  
近身皆鳥道殊俗自人群  
睥睨登哀折整孤照夕  
曛亂離多醉尉愁殺李將軍  
七言絕句

正音

送魏十六還蘇州

皇甫冉

清夜沉沉此送君  
陰虫切切不堪聞  
孤舟明日昆陵道  
回首蒼蘇是白雲

山店

盧綸

登登山路何時盡  
泱泱溪流到處聞  
風動葉聲山犬

吹幾家松火隔秋雲

獻封大夫破播仙凱歌

鳴笳疊鼓擁回軍  
破國平蕃昔未聞  
丈夫鵠印搖邊  
月大將龍旂掣海雲

遺響

贈楊鍊師

鮑溶

紫烟木上繡春雲  
清隱山書小篆文  
明月在天將鳳  
管夜深吹向玉宸君

送王三十校書分司

李商隱

多少分曹掌秘文洛陽花雪夢隨君定知何遜綠聯  
句每到城東憶范雲

衢州江上別李秀才

韋莊

千山紅樹萬山雲把酒相看日又曛一曲離歌兩行  
淚不知何地更逢君

三體

贈侯山人

熊孺登

一見清容愜素聞有人傳是紫陽君來時玉女裁春  
服剪破湘山幾片雲

選唐

送簡能東遊

二首  
其二

李涉

燕市悲歌又送君目隨征鴈過寒雲郵亭宿處時看  
劍莫使塵埃蔽斗文

觀妓人入道

楊巨源

碧玉芳年事冠軍清歌空得隔花聞春來削髮芙蓉  
寺蟬鬢臨風墮綠雲

正聲

送麴司直

郎士元

曙雪蒼蒼兼曙雲朔風燕鴈不堪聞貧交此別無他  
贈惟有青山遠送君

發渝州却寄常判官

司空曙

紅燭津亭夜見君繁絃急管兩紛紛  
分明分手空江轉惟有猿聲滿水雲

秋閨思

張仲素

秋天一夜靜無雲  
斷續鴻聲到曉聞  
欲寄征人問消息  
居延城外又移軍

李集

陪族叔刑部侍郎曄及中書賈舍人至遊

洞庭五首其一

洞庭西望楚江分  
水盡南天不見雲  
日落長沙秋色遠  
不知何處弔湘君

杜集

贈花卿牙將花驚定

錦城絲管日紛紛  
半入江風半入雲  
此曲祇應天上有人間  
能得幾回聞

李司馬橋了承高使君自成都曲

向來江上手紛紛三日成功事出群已傳童子騎青  
竹揔擬橋東待使君

喜聞盜賊蕃寇揔退口號其五首

蕭關隴水入官軍青海黃河卷塞雲北極轉愁龍虎  
氣西戎休縱犬羊群

官池春鴈其二首

自古稻梁多不足至今鴻鴈亂爲群且休悵望看春  
水更恐歸飛隔暮雲

江南逢李龜年

岐王宅裏尋常見崔九堂前幾度聞正是江南好風  
景落花時節又逢君

謝嚴中丞送青城山道士乳酒一罇

山餅乳酒下青雲氣味濃香幸見分鳴鞭走送憐渙  
父洗盞開嘗對馬軍

韓集

柳口又贈其二首

雪或作雲颭霜翻看不分雷驚電激語難聞沿涯或作崖  
宛轉到深處何限青天無片雲

晚次宣溪辱韶州張端使君惠書叙別酬

以絕句其二首

兼金那或作安足比清又百或作首相隨愧使君俱是

嶺南巡管内莫欺荒僻斷知聞

風折花枝

浮豔侵天難就看清香撲地只或作可遙聞春風也是

多情思故揀或作折繁枝折或作將贈君

七言律詩

正音

秋夕寄懷契上人

皇甫冉

已見槿花朝委露獨悲孤鶴在人群真僧出世心無  
事靜夜名香手自焚窓臨絕澗同流水客至孤峰掃  
白雲更想清晨誦經處獨看松上雪紛紛

早春歸盤屋舊居寄耿漳

盧綸

野日初晴麥隴分竹園村巷鹿成群萬家廢井生秋  
草一樹繁花對古墳引水忽驚水滿澗向田空見石  
和雲可憐荒歲青山下惟有松枝可贈君

促漏

李商隱

促漏遙鍾動靜聞。報章重疊杳難分。舞鸞鏡匣收殘黛。睡鴨香爐換夕熏。歸去豈知還向月。夢來何處更為雲。南塘漸暖蒲堪結。兩兩鴛鴦護水紋。

遺響

經陳琳墓

溫庭筠

曾於青史見遺文。今日飄蓬過古墳。詞客有靈應識我。霸才無主始憐君。石麟埋沒惟春草。銅雀淒涼起暮雲。莫怪臨風倍惆悵。欲將書劍學從軍。

三體

送李錄事赴饒州

皇甫湜

北人南去雪紛紛。鴈叫汀洲不可聞。積水長天隨遠客。荒城極浦足寒雲。山從建業千峯出。江至潯陽九派分。借問督郵總弱冠。府中年少不如君。

正聲

樂遊原春望

李頻

五陵佳氣晚氤氳。霸業雄圖勢自分。秦地山河連紫塞。漢家宮殿入青雲。未央樹色春中見。長樂鐘聲月下聞。無奈楊花起愁思。滿天飄落雪紛紛。



鼓吹

江南道中 三首其二

陸龜蒙

良常應不動移文金醴從酸亦自醺桂父舊歌飛絳  
雪桐孫新韻倚玄雲春臨柳谷鶯先覺樹蘸蕪香鶴  
共聞珍重雙雙玉條脫盡憑三島寄羊君

病後春思

皮日休

連錢錦暗麝氣氲荆忌才多詠鄂君孔雀鈿開窺沼  
見石榴紅重墮階開岸愁有度應如月春夢無心祇  
似雲應笑病來慙滿願花燧好作斷腸文

奉和病後春思

氣和靈府漸氤氲酒有賢人藥有君七字篇章看月  
得百勞言語傍花聞閑尋古寺銷晴日最憶深溪枕  
夜雲早晚共搖孤舫去紫屏風外碧波文

懷揚台文揚台鼎二秀才

陸龜蒙

秋早相逢待得春崇蘭清露小山雲寒花獨自愁中  
見曙角多從醒後聞釣具每隨輕舸去詩題閑上小  
樓分重思醉墨縱橫甚書破竿欣白練裙

酬于駙馬 二首其二

楊巨源

綺陌塵香曙色分碧山如畫又逢君蛟藏秋月一片  
水驥鎖晴空千尺雲威黑舊知何駙馬詩家今得鮑  
參軍陽和本是烟霄曲須向花間次第聞

聞開元寺開筍園寄莫上人 皮日休

園鎖開聲駭鹿群滿林鮮籜水犀文森森竟法林梢  
兩攬攬爭穿石上雲並出亦如鵝管合各生還似犬  
牙分折烟束露如相遺何胤明朝不茹葷

攬音鍊  
挺也

杜工部蜀中離席

李商隱

人生何處不離群世路干戈惜暫分雪嶺未歸天外

使松州猶駐駭前軍座中醉客延醒客江上晴雲雜  
雨雲美酒成都堪送老當壚仍是卓文君

牡丹

錦幃初卷衛夫人繡被猶堆越鄂君垂手亂翻雕玉  
珮招腰爭舞鬱金裙石家蠟燭何時剪荀令香爐可  
待薰我是夢中傳彩筆欲書花葉寄朝雲

子初郊墅

看山對酒君思我聽鼓離城我訪君臘雪已添墻下  
水齋鍾不散檻前雲陰移竹栢濃還淡歌雜漁樵斷

更聞亦擬村南買烟舍子孫相約事耕耘

咸陽懷古

陳上美

山連河水碧氤氳瑞氣東移擁聖君秦苑有花空笑  
日漢陵無主自侵雲古槐堤上鷺千轉遠渚沙中鷺  
一群賴有淵明同把菊烟郊四望夕陽醺

結綬郊麾攝府署偶有自詠

鶯離寒谷七逢春釋褐年來暫種芸自笑老為梅少  
府可堪貧攝鮑參軍酒酣往事多興念吟苦隣家必  
厭聞推却簿書搔短髮落花飛絮正紛紛

蜀中

渚遠江清碧簾紋小桃花繞薛濤墳朱橋直指金門  
路粉堞高連玉壘雲窓下斷琴蹠鳳足波中濯錦散  
鷗群子規夜夜啼巴樹不並吾鄉楚國聞

贈僧

安貧

盡說歸山避世塵幾人終肯別囂氛瓶添澗水盛將  
月衲掛松枝惹得雲三接舊承前席遇一靈今用戒  
香熏相逢莫話金鑿事觸撥傷心不忍聞

潤州二首

杜牧

謝朓詩中佳麗地夫差傳裏水犀軍城高鐵瓦橫強  
弩柳暗朱樓多夢雲畫角愛飄江北去釣歌長向月  
中聞揚州塵土試回首不惜千金借與君

遣興

高駢

浮世忙忙蟻子群莫嗔頭上雪紛紛沉憂萬種與千  
種行樂十分無一分越外險巖無俗事就中拘檢信  
人文醉鄉日月終須覓去作先生號白雲

詩選

送馬員外拜官覲省

錢起

二十爲師事漢文鸚鵡驥子自爲群筆精已許臺中  
妙劍術還令世上聞歸覲屢驚槐里月出師常吠棘  
門君莫言來往朝天遠看取鳴鞘入斷雲

上將行

耿緯

蕭關掃定犬羊群閉閣層城白日曛檣上驂騑嘶鼓  
角門前老将識風雲旌旗四面寒山映絲篴千家靜  
夜聞誰道古來多簡冊功成惟有衛將軍

光嶽英華

從幸香山

沈佺期

南山奕奕通仙禁，北闕峩峩接翠雲。嶺上樓臺千地起，城中鐘鼓四天聞。旃檀曉閣金輿度，鸚鵡晴林綵仗分。願以醍醐參聖酒，還將柅苑當秋汾。

冬日大禮慶成

曹唐

太一天壇降紫君，屬車龍鶴夜爲群。春浮玉藻寒初落，露拂金莖曙欲分。三代樂回風入律，四溟歌駐水成文。從官不動旌旗下，日照南山萬樹雲。

大同殿生玉芝龍池上有慶雲百官共觀蒙恩錫宴敢書即事

王維

欲笑周文歌宴鎬，還輕漢武樂橫汾。豈知玉殿生三秀，復有銅池出五雲。陌上堯樽傾北斗，樓前舜樂動南薰。共歡天意同人意，萬歲千秋奉聖君。

類編

邊館逢賀二

馬戴

貧病無竦我，與君不知何事久。離群貂裘已弊，同爲客龍闕。遙趨擬獻文，空館夕陽鴉。繞樹荒城寒色，鴈和雲不堪吟。斷邊城曉馬，省東西客又分。

送開府姪迎故使中丞旅櫬却赴上都李

公頃因貶謫沒于江西開府上表讓官乞

自扶護劉長卿

征西諸將不如君報德誰能不顧動身逐塞鴻來萬  
里手披荒草看孤墳擒生絕漠經胡雪懷舊長沙哭  
楚雲歸去蕭條霸陵上幾人看葬李將軍

宿王屋天壇

馬戴

星斗半沉蒼翠色紅霞遠照海濤分折松曉拂天壇  
雪投簡寒窺玉洞雲絕頂醮迴人不見深林磬度鳥  
應聞未知誰與傳金錄獨向仙祠拜老君

李集

別中都明府兄

昔兄詩酒繼陶君試宰中都天下聞東樓喜奉連枝  
會南陌愁為落葉分城隅綠水明秋日海上青山隔  
暮雲取醉不辭留夜月鴈行中斷惜離群

杜集

赤獠奴阿段

山水蒼蒼落日曛竹竿裊裊細泉分郡人入夜爭餘  
瀝稚子尋源獨不聞病渴三更迴白首傳聲一注濕

青雲曾驚陶侃胡奴異怪爾常穿虎豹群

山外峇峇日日熱竹竿長長處處人

社五請請示齋文阿翅

五走

恭雲烟袖不精留身良感竹中機計精報

會南節節節節節節節節節節節節節節

昔只精節節節節節節節節節節節節節節

雪

雅音會編卷之五畢

程